


 Андижон вилояти ҳокимлиги расмий портали



«ДУНЁДА ЯГОНА ЧАМАН БЎСТОНИМ, ФИДОЙИНГ БЎЛГАЙМИЗ, ЎЗБЕКИСТОНИМ!»




Ўзбекистон Р еспубликаси Давлат Мустақиллигининг 26 йиллиги муносабати билан Андижон шаҳридаги "Соғлом авлод" ўйингоҳида бўлиб ўтган "Фидойинг бўлгаймиз сени, Ўзбекистон!" бош ғояси асосидаги бадиий-музиқий байрам тантаналаридан суратли репортаж

Дилларни ҳайратга, қалбларни жунбушга келтирган Истиқлол шукухи худди субҳидам сабосию оппоқ тонг насими каби юраклардан юракларга кўчди. Кексаю ёш, каттаю кичик, олиму фозил, дехқону хунарманд, тадбиркору зиёли чеҳрасидаги ажиб бир ўқтамлик замираша эртанги кунга ишонч, келажакка событ қадам, энг муҳими, шукроналиқ туйғуси, яшнатиш ишқи барқ уради.







Соат 19.00. "Соғлом авлод" ўйингоҳи пештоқидаги "Фидойинг бўлгаймиз, сени, Ўзбекистон!" шиори гўёки барчанинг дилида акс-садо бераётгандай. Теварак-атрофдаги анвойи гуллар, ҳали оқшом кўнмай ложувард кўк сиртидаги юлдузлар каби порлаётган минглаб турфа чироқларга бокиб, байрам тантаналари йилдан-йилга мукаммаллашиб бораётганини кўрамиз.

"Дунёда ягона чаман бўстоним, фидойинг бўлгаймиз, Ўзбекистоним!" мавзусидаги тадбир тантаналари бошланайдигани ҳақида чорлов янгради. Байрамда вилоятимизнинг барча шахар ва туманларидан таклиф этилган нуронийлар, меҳнат фаҳрийлари, давлатимизнинг юксак унвонлари, орден ва медалларига сазовор бўлган ҳамюртларимиз, давлат ва жамоат ташкилотлари вакиллари, ёшлар, ишлаб чиқариш илфорлари, оммавий ахборот воситалари вакиллари иштирок этдилар.



Вилоят ҳокими, Олий Мажлис Сенати аъзоси Шухратбек Абдураҳмонов шодиёна иштирокчилари ҳамда улар орқали вилоятнинг барча аҳолисини Мустақиллигимизнинг 26 йиллиги билан самимий муборакбод этди.




□ □ □ Энг улуғ, энг азиз байрам - миллий ўзлигимиз, фаҳру ғуруримиз, ор-номусимиз сифатида тарих зарваракларига олтин ҳарфлар билан битилган сана □ □ □ Ўзбекистон Р еспубликаси Давлат мустақиллигининг 26 йиллик байрами андижонликларга ўзгача шукух ва кўтаринкилик бағишламоқда, - дея таъкидланди. □ □ □ Шу кунгача эришилган юксак мэрралар, кувончли натижалар, тараққиёт йўлидаги дадил одимлар оқилона, халқчил сиёsat самарасидир.


Ўзбекистон Республикаси Давлат мадҳияси янгради.

Муқаддима ва "Элим" вокал-рақс сюитаси билан тантана бошланди.

Саҳнадаги улкан экран орқали Истиқлоннинг улуғ меъмори - Биринчи Президентимиз Ислом

Абдуғаниевич Каримов хотирасига бағишлиңган лавҳалар намойиш этилганида барчанинг кўзига ёш қалқди.









Ўлмас сиймолар халқимиз қалбидан ўчмайди. Амир Темур, Жалолиддин Мангуберди, Тўмарис, Захириддин Мухаммад Бобур, Нодирабегим, Абдулҳамид Сулаймон ўғли Чўлпон, Саида Зуннунова, Мухаммад Юсуф ҳаёти ва фаолиятининг ёрқин қирралари санъаткорлар томонидан жонлантирилгани ҳам эътиборни тортди.

Ватанпарварлик руҳи билан сугорилган ҳарбий қўшиқлар янгради. Ҳарбийларимизнинг қўшиққа ҳамоҳанг шаҳдам одимлар билан енгил харакат қилишлари, ўзларининг жисмоний ва жанговар маҳоратларини намойиш этишгани кўпчиликда катта таассурот қолдирди.

Болалар Ҷонлар бизнинг эртамиз, кувончимиз. Тантанада болажонларнинг чиқишилари, завқ билан рақсга тушишлари, қувноқ ашулалари иштирокчиларга қўтаринкилик, кувонч бағишилади.








Вилоят спортчиларининг кўргазмали чиқишилари ҳам ҳаяжонли кечди.

Файзли оқшомда санъат усталари ва ёш эстрада юлдузларининг куй-кўшиклари шодон олқишилар, раксларга уланди. Ўзбекистонда хизмат кўрсатган артистлар Яҳёбек ва Мухсинжон Мўминовлар,

Зиёда Қобурова, Мансурхон Нурматов, Райхон Фаниева, "Ниҳол" Давлат мукофоти совриндорлари Дилноза Ақбарова, "Дурдона" гурӯҳи, таниқли хонандалар Ботир Қодиров, Баҳром Назаров, Аслбек Нигматов ва бошқалар айём иштирокчилари қалбига байрамона кайфият олиб кирдилар.


Мустақиллигимизнинг йигирма олти йиллиги арафасида мамлакатимиз иқтисодий салоҳиятини юксалтириш ва ислохотларни муваффақиятли амалга ошириш ишларидаги катта хизматлари, кўп йиллик самарали меҳнати, ижтимоий ҳаётдаги фаол иштироки учун бир гурӯҳ ҳамюрларимиз давлат мукофотларига сазовор бўлдилар.









- Барча ёшларимизни, юртдошларимизни мана шу күтлүг айём билан чин юрақдан табриклайман, - дейди Асака тумани тиббиёт бирлашмаси күп тармоқли марказий поликлиникаси врачи Ўғилхон Исмоилова. - Байрам арафасыда "Мөхнат шухрати" ордени билан тақдирландым. Мен бир она ва шифокор сифатида вилюятимиздаги ўзгаришлардан фахрланиб, кувониб яшяпман. Она ва бола саломатлиги йўлида қилинаётган ишларни айтасизми, ўзгариб бораётган гўзал Андижонимиз жамолиними, барча-барчаси, халқ учун, инсон манфаати учун эканлигидан яшинаб кетасиз.

Дастурда халқимизнинг севимли санъаткорлари томонидан мусикий хазинамиздан ўрин олган ноёб ашуулалар жаранглади. Жаҳон операси намуналари қойилмақом тарзда ижро этилди. Айниқса, Андижон санъат коллежи ўқитувчилари Холмурод Хорунов ва Шоҳида Нурматовалар ижросига гулдурос қарсаклар жўр бўлди.







Андижонда турли миллат вакиллари бир мақсад йўлида, гўзал ва бетакор диёримизни янада обод этиш ниятида меҳнат қилмоқдалар. Байрам дастурида кўнгиллардаги орзу-умидлар нақадар яқин эканлиги, эзгу мақсадлар бир-бирига уйғунлиги байналмилал тарзда намоён бўлди.

Ўзбек автомобиллари карвони, "Ўзбекистон" электропоездি рамзий макети намойиш этилганида дилларда ифтихор жўш урди.

- Ўтган йигирма олти йиллик машакқатли ва шарафли даврда қўлга киритган муваффақиятларимизни бугун дунё ҳамжамияти эътироф этмоқда, - дейди "Шуҳрат" медали соҳибаси, вилоят телерадиокомпанияси директори ўринbosари Ферузахон Сиддикова. - Эришилаётган янги-янги марралар биз ижодкорларни шижаот билан меҳнат қилишга унданмоқда.

Олтинкўл туманидаги "Бахт имкон ривож чорваси" фермер хўжалиги бошлиғи Фахриддин Исмоиловнинг қувончи чексиз:



- Иш билганга минг танга дейишади. Ҳаракат қилган одам мукофотини ҳам оляпти. Бу йил қўша-қўша муваффақиятлар йили бўлди. "Ташаббус - 2017" танловининг "Энг яхши фермер" йўналиши бўйича ғолиб бўлдим. Куни кеча Президентимиз Фармонларига мувофиқ "Дўстлик" ордени билан тақдирландим. Буларнинг бари оддий бир тадбиркорнинг меҳнатига берилган юксак баҳо деб биламан.


Тантана қатнашчилари, каттаю кичик ҳамюртларимиз билан сухбатлашар эканмиз, уларнинг юз-кўзида ўз ҳаётидан, фаровон кунлардан мамнунлик, хотиржамлик, хурсандлик, ҳамжиҳатлик туйғулари намоёнлигига гувоҳ бўлдик.

Ҳа, истиқлол байрами барчанинг кўнглига хушнудлик, фахр ва ифтихор бағишлади. Байрам шукуҳи диллардан дилларга кўчди.

Тинч ва осуда ҳаётда яшаш ҳар бир юртдошимиз учун ниҳоятда қадрли эканлигини англаш, яратиш, интилиш, эртанги кунга бўлган ишонч, Президентимиз таъбири билан айтганда, ҳар бир инсоннинг бу ҳаётдан рози бўлиб яшашига имкон беряётир. Аслида, бизнинг тақдиримиз, баҳтимиз мана шу Ватан

билин боғлик. Шундай жаннатмакон, осуда юртда яшаш ҳар биримизнинг толеимизга битилган баҳтдир. Бу баҳтга шукроналик келтириб, ўз меҳнатимиз билан Ватанимиз равнақига муносиб ҳисса қўшаётганимиз дилларга сурур бағишлади.





Андижон шаҳридаги байрам тантанаси қўтаринки руҳда якунланди. Истиқлол шодиёналари вилоятимизнинг барча қишлоқ ва маҳаллаларида озод ва обод юрт фуқаролари хонадонларида давом этмоқда.